

**2020**  
**SUMI (SÜ TSAH)**

Total marks : 80

Time : 3 hours

**General instructions:**

- i) *Approximately 15 minutes is allotted to read the question paper and revise the answers.*
  - ii) *The question paper consists of 22 questions. All questions are compulsory.*
  - iii) *Internal choice has been provided in some questions.*
  - iv) *Marks allocated to every question are indicated against it.*
- N.B:** *Check that all pages of the question paper is complete as indicated on the top left side.*

**AMQO – A (Ghili Kiyye)**

**1. Yepua keu phiju no injü akeqo khochile tsülo:**

Khaghi ni sülimi Nisheli ipikeu ache. Li ye kinikülü bolono pekighimi. Aphu tipau lo apumi lakhi pheo ipikeu ache. Pa ye kumlhomi bolono pekighimi ke. Iti lono pheo ngo Nisheli pama kümtsa ili ache. Kichimi shive kethiu pama kimiye kile cheuve.

Pheo no ishi kümsü, ino kumlhomi keke Nisheli lunie pinamu li pu-aza ye khilemu pulo tsümo nani eno ikujo ye khilemu akibo shilumo nani eno tiye kuchou shive nani. Tihenguno kijili lakhi Pheo no Nisheli kupüzü pama aküzü lono küptsa-a. Muchomi lakhi Kutupa no pama no küptsa akeu miqewo iniluve.

Pheo no pi, Anisheo; ino thohu putho lo ighi no ozü-a mishilo kukhuni ke noye ipape nima? Tilehi Nisheli ghi pama povenno akibo shivenikepi pulove. Amuchou Kutupa no ti kümtsü chiluve kehu Pheo ighimphi zü-uno powo ayiliu zü-a mishilo kukhu kelaye Nisheli ye Pheo ighivea küghashi li phinhemgha kutope püakeu pesüsü ipeghino pama wuve.

Kushuwo wuve kethiu Nisheli ye lhove no pi. Nikujo hilehi kitila akulho qhinie pi. Ikemu amuchou no pano luza vechekha mipphilo ye ngomo niye qelo ipive püzü a-u no li tuhasasü wuve. Nisheli ye Pheo sütsa kumotoi chilu püzü amlo ta-sa a. Kughou pano luza vechekha süsü aghaghi lo ilove keno tsükinhe ipeghive. Nisheli ye Pheo shi aghimove keu ithive no akichiqhi qa awuve.

Kutupa no pama akibo shive niye ighivea kepi ghuthu kutomo li pütsa ghozüju akemu Nisheli no kitilamu pulo tsümoe. Tihenguno amuchou Kutupa no Nisheli sawo asübo lo phedave no ghiqhive püzü aphulo ide wove. Nisheli jino asübo homxa qouve. Aji tipau no axamunu shi ipeghive.

Pheo ye Nisheli pasüla kiumu mthave no ighono amlo küsashi ache. Ghulo lakhi aghami gholono Pheo ghi ashi hasüsü Nisheli ghiqhive keu a lo ighilu kelo tsüghu-uve. Nisheli ghiqhive keu ji no axamunu miviu ve keu huno kungu-u Pheo nhape ngoluve püzü kütüzamono akelo aghami qono Pheo koha akemu axamunu pho no pano khila wukeno tilau pa shoghipe ngoluve-a kehu Pheo ye akümza-a.

Atsala ghu tave kelo wonikelo pangu pe axamunu kitila yethape pakini lo chepuve no wove. Tipaji asamou no Nisheli sholu, Nisheli no pavilo

Kutupa no ghenguno nikujo kütüna mlave kemu ino ophelho ye tsütsüghu lo osüsho ake noye kushiye ighüzave kea? Noghi ongu lo ngo okini lo julo pi. Pheo no züida ithu jukelaye kuchouno tishi aghikeu ithulu no, ilomi Nisheli no ye thivemu ikümsülu aphikena ipi ighono pa mlo ime ache. Tithiu ye Pheo ghi amlo ghime launo ado kushuwa kumo lo thive.

Nisheli jino ilhouve keu xamunu tipau pe ‘ANISHE XAMUNU’ ipi cheni.

- (a) Ni sülimi je ye khiu kea? 1
- (b) Iti lo khiu pama ili chekea? 1
- (c) Aküzü lono küptsa akelo muchomi khiu no miqeluve kea? 1
- (d) Khuno khuvilo ‘Anisheo’ ipi pi kea? 1
- (e) Tsükinhe ipeghive kethiu aghasü lo Nisheli ye kiu shiye qa awuve kea? 1
- (f) Amuchou Kutupa ye kische Nisheli ghiqhive kea? 1
- (g) Kiu no Pheo nhaluve püzü tsütsüghu kütüza pemo kea? 1
- (h) Nisheli jino Axamunu ilhouve keu pe kiu xamunu ipi cheni kea? 1
- (i) ‘Aküzü’ ipi keu okiqi ahiphi lono atsathi kütäu no pitsülo. 1
- (j) ‘Ophelho’ khuu phelho kea? 1

**AMQO – B (Iqqikulu)**

**2. Atsathi 100-150 dolono lakhi likhi yelo:**

**a.** Yekili lakhi ‘MorungExpress’ pekikithiu vilo, khetsünhe küka peithalu keu vechewo mikavu peitha keu meküsu kümghü luve keu timiqo lau pitsü keu yephe tsülo ipi pikeu yelo.

**Momu**

**6**

**b.** Nokiphi kilo mhesho mheghi tsala ikhilu kelo kiphiki kütäu qolo ghi ighino ikhilu keu vesülho lo yesü keu shilo.

**3. Atsathi 50 dolono lakhi likhi yelo :**

**a.** No no XYZ kiphikilo, akijeu shi ani. Tighenguno kuküsü kiye lakhi kiphimi puaza tsala ikhilu akeu lo kiphimi puaza kusü keu yelo. Atsala, ado a-a qo yekithisü tsülo.

**Momu**

**4**

**b.** Shikipiviu ngo aküsü pama, putholo zühumla keu ghenguno küptsa keu yelo.

**AMQO – C (Tsayeh)**

**4. Achipiu tsathipe kümsalo süve tsülo:**

- (a) Christmas \_\_\_\_\_ lo ije ani. 1
  - (i) küpüghü (ii) aküpüghu
  - (iii) kukughu (iv) akupughu pa
- (b) Ipu ngo iza \_\_\_\_\_ ye alu lo huvae. 1
  - (i) paküma (ii) pamagha
  - (iii) küma (iv) pama

- (c) Awudu no \_\_\_\_\_ mighi ani. 1  
(i) tikishi (ii) tekishi  
(iii) athikishi (iv) atikishi
- (d) Ifo no ayekulho \_\_\_\_\_ ani. 1  
(i) beh (ii) lho  
(iii) kumqho (iv) ghu
- (e) Oh! Atsüno itimi lakhi \_\_\_\_\_ vea. 1  
(i) mighi (ii) tsüqhi  
(iii) miki (iv) tsaqhi
5. **Tsashi pe aje lo süve tsülo:**  
(a) Kime 1  
(b) Mka 1
6. **Süchou tsathi hiküma pidelau süvelo:**  
(a) Loghilo 1  
(b) Alokivi 1
7. **Sütsa kutho akiqi tsülo:**  
(a) Süsü samo 1  
(b) Atsülache 1
8. **Akiyethi shikithe keu ghola lono yekümzü tsülo:**  
(a) Alotoli no Mushuthi kümtsü lakhi chukhava. 1  
(b) Anhemgha hu pama itsülo. 1
9. **Atsa tuna pe atsajo mlalo:**  
(a) Atsü-aqu 1  
(b) Akithe akile 1
10. **Sümi tsalo pekili süvelo :**  
(a) He is in his office. 1  
(b) Drink plenty of water. 1  
(c) All the best! 1  
(d) They are best friends. 1  
(e) Can I help you? 1

**AMQO – D (Kichitssathoh eno Apuh Assü Leshe)**

11. **Achiptu tsathi pe kimeve tsülo:**
- (a) Apu asuno pikibe chekeu ye timi ye aghungu ajeli \_\_\_\_\_ ani . 1  
(i) 9 (ii) 10  
(iii) 11 (iv) 12
- (b) Satakha ghushi lo aghalomi qono Assam police timi \_\_\_\_\_ küghaluve. 1  
(i) 58 (ii) 68  
(iii) 78 (iv) 88

- (c) Sükünhwo \_\_\_\_\_ kukuhalo lolive ala. **1**  
(i) Aki (ii) Alu  
(iii) Aje (iv) Aphu
- (d) O avela sheu \_\_\_\_\_ sü ghekuwu thotsü. **1**  
(i) Apumi (ii) Ilimi  
(iii) Muchomi (iv) Topumi
- (e) \_\_\_\_\_ ghi atughüshi kümthami igholo khelhoye. **1**  
(i) Asamou (ii) Atsüu  
(iii) Amou (iv) Puehou

**Atsathi 20 – 25 dolono khochilelo:**

12. Carey no kütsü chekeu akhotou ye kiu kea? **2**
13. Timi no kiu kiu lhxü ilhouve cheni ipi ithi ani kea? Aje bidi likhi yetsülo. **2**
14. Kiu shiye aküvu loye külau chemo kea? Külau chekelo kishi wucheni kea? **1+1=2**
15. Thochipa ye kishino ajoji ghau mhi ithulu kea? **2**
16. Ghoyi no asüghilo iku ighaküa hu tiye nimu anachumi küghütse, hutoi. Leshe hepau kiki pitsülo. **2**
17. Itsü sailewo ghilo, sailewo nighasalo ghulo lakhi kivehu juana. **2**

**Atsathi 40 – 50 dolono khochilelo :**

18. a. Sümi yeh lo axeh ajeli Khijehi ani kea? Axeh jeli küthü (3) ghili yelo. **1+3=4**  
**Momu**  
b. Apu-Asü lono pikibe ighi keu lo timi ye aghungu khije acheni pi, eno timi no Angushu-u momu Ayithu miviuve kelo aghungu atughiu akiniu eno aküthü-u kutolo kishi cheni pi kea? **(4)**
19. Leshe hepau hepho tsülo:  
*Ishe Shotomi painano iqi,*  
*Kivikhu noghami ghutu shole aye,*  
*Shole mula aye Cheileqho kichelo*  
*Rathsamu nono tungu sayewo*  
*Cheileqho shole aye shole luve ala.* **4**

**Atsathi 60 - 90 dolono khochilelo :**

20. a. Khaghilomi ajekipi shi tumu chekemi aje nono ithi keu yelo. Kithikupu momu kithixashe ye kiu kishi shicheni keno yelo. **2+3=5**  
**Momu**

**b.** *Kütau lhoxu ilho keu nguno, angushuu ilho keu no ajeli kini acheni, lakhino 'alhoshi' lakhimo "timi no kughulho shi, ike timi no kughulho shi ye, amikhizü yemiphi loye angushuu kuchou kumpho eno tishi ake dolono kutono ala izü puhave cheni ipi.*

- (i) Angushuu ajeli khije acheni pikea? (1)
- (ii) Kiu no 'Alhoshi' ipi ani kea? (1)
- (iii) 'Amikhizü' ye kiu kea? (1)
- (iv) 'Kütau lhoxu ilho keu ngu no'ipi akeu lhoxu kütau aje kini tsülo. (1+1=2)

21. *Axeu no niye no le inni ani  
Ale iniwuno asalosü ilo shonaliu  
Ille xesawo ghilo, ikujo ye akichi  
Qhu thono ampiu alo otsümoni pi  
Küküghami hu mtha ye nila.*

- (i) Timi khu-u no nole ini acheni pi kea? 1
- (ii) Asalosü kiqu kiu kea? 1
- (iii) Khuno lusaighive nani pi ani kea? 1
- (iv) Khiu pama ye akichi lono pi akeu kumo aye ampi kümsta ngo mlava ipi khunono kügha ani mtha pih ani kea? 1
- (v) Hiye khunno leshe lo ani kea? 1

22. **a.** *O ishe anga ozano kupunulo ipolo no pukiyeni aye aqhichighi apu cheye imlo küsashi ito asaluye tiye akivipu ghashi kümsüluwo tiye no lho kughukho ngushi aghimonila.*

- (i) Khuno leshelo ani kea? 1
- (ii) Khuno khuu punu keu piani kea? 1
- (iii) Kiu shiye aghi chighi shoumu lipolo mishipuve micheke ipi ani kea? 1+1=2
- (iv) Khuu no thive kea? 1

**Momu**

**b.** *O! Avela sheu ilimi süh gheku-u thotsü  
Ale pheo okhe tsüzü-u lhoje  
Atsüzü ye kucho ishe no ghi hi ni wolo ye  
Kini puwo khiu sütsa ana?  
O hoishe! Atsa ikhekulhou akithi  
Msalulo ni vekumomi ye.  
Leshe hipau ajo kiqu lono hepho tsülo.*

(5)

\*\*\*\*\*